

Calco ilegal confisca pa Servicio Veterinario

ORANJESTAD -- Servicio Veterinario a haya un tip di calco fresco cu ta wordo bendi na supermercado. Esey a resulta cu dia 30 di juni a laga confisca un lote di como cinco kilo di calco.

Ta prohibi pa saca calco for di lama. Esaki ta algo cu ta castigabel bou di e ley. Ley pa proteccion di Naturalesa (A.B. 1995 No.2), hunto cu e tratado di CITES. No solamente e piscado cu ta saca calco for di lama ta castigabel pa ley, pero tambe e supermarket cu ta ofrece esaki pa bende.

Bou e tratado di CITES, bestianan den peligro di extincion ta wordo protegi y Servicio Veterinario ta encarga

cu e parti di fauna (bestia). Poco aña atras calco tawata hopi y abundante den lama. Awendia no ta asina mas pasobra e carni y cocolishi di calco ta productonan masha popular y ta p'esey calco ta un di e sortonan cu ta wordo protegi.

Boet y castigo di prizon
Otro bestianan cu ta cay bou e ley aki ta entre otro tur tipo di turtuga di lama, prikichi, yuwana y nos cascabel. A base di e Ley pa proteccion di Naturalesa autoridadnan por parti un boet te cu 100.000,- florin y tambe un castigo di 2 aña den prizon.

Pa mas informacion tocante esaki por tuma contacto cu Servicio Veterinario na telefon 585-0400. 